

殷

虛

書

契

契殷

内藤虎署

虛書

江苏工业学院图书馆  
藏书章

光緒二十有五年歲在己亥實爲洹陽出龜之年時予  
春秋三十有四越歲辛丑始於丹徒劉君許見墨本作  
而歎曰此刻辭中文字與古文或異固漢以來小學家  
若張杜楊許諸儒所不得見者也今幸山川效靈三千  
年而一洩其祕且適當我之生則所以謀流傳而攸遠  
之者其我之責也夫於是盡墨劉氏所藏千餘爲編印  
之而未遑考索其文字蓋彼時年力壯盛謂歲月方久  
長又所學未遂且三千年之奇跡當與海內方聞碩學  
共論定之意斯書旣出必有博識如束廣微者爲之考  
釋闡明之固非曾曾小子所敢任也顧先後數年間僅  
孫仲容徵君

詒讓

作札記此外無聞焉仲容固深於倉

雅周官之學者然其札記則未能闡發宏旨予至是始  
有自任意歲丁未備官中朝曹務清簡退食之暇輒披  
覽墨本及予所藏龜於向之蓄疑不能遽通者諦審既  
久漸能尋繹其義顧性復懶散未及箋記宣統改元之  
二年東友林君

泰輔

寄其所爲考至則視孫徵君札記

秩然有條理並投書質疑爰就予所已知者爲貞卜文  
字考以答之已而漸覺其一二違失於舊所知外亦別  
有啓發則以所見較博於疇昔故於是始恍然寶物之  
幸存者有盡又骨甲古脆文字易滅今出世逾十年世  
人尙未知貴重不汲汲蒐求則出土之日卽漸滅之期  
矧所見未博考釋亦詎可自信由此觀之則蒐求之視

考釋不尤急歟因遣山左及廠肆估人至中州瘁吾力以構之一歲所獲殆逾萬意不自歉復命家弟子敬

振

常婦弟茫恆齋

兆昌

至洹陽采掘之所得則又再倍焉

寒夜擁爐手加氈墨擬先編墨本爲殷虛書契前編考釋爲後編並謀投刻去官買地洹陽終我天年以竟此志乃逾年冬而國難作避地浮海將辛苦橐蓄之三年骨與甲者鄭重載入行笈而展轉運輸及稅吏檢察損壞者十已五六幸其尤殊者墨本尙存乃以一歲之力編爲前編八卷付工精印其未及施墨者異日當輯爲續編而後編亦將次寫定嗚呼喪亂以來忽已匝歲神州荒翳文獻蕩然天旣出神物於斯文垂喪之時而

予又以偷生視息之餘倉皇編輯須鬢日改犬馬之齒  
亦既四十有七上距己亥已閱十有四年買地洹陽之  
願既虛茫茫斯世知誰復有讀吾書者亦且抱此遺文  
以自慰藉而已窮冬濡豪萬感百憂一時交集歲在壬  
子十二月二十六日上虞羅振玉序於日本寓居之永

慕園

殷虛書契前編卷一

集古遺文第一

上虞羅振玉類次





















